



Broj: 01-11-2-920/25-9
Konjic, 09.04.2025. godine

Na osnovu člana 69. stav (2) tačka d) i člana 70. stav (1), (4) i (6) Zakona o javnim nabavkama ("Službeni glasnik BiH", broj: 39/14, 59/22 i 50/24), Preporuke Komisije broj: 10-11-2-920/25-7 od 09.04.2025. godine, u postupku javne nabavke "Izrada oborinske kanalizacije i sanacija putnog prilaza u ulici Branilaca Konjica", te člana 38. Statuta Grada Konjica ("Službeni glasnik Grada Konjica" broj: 10/22) gradonačelnik d o n o s i

ODLUKU o poništenju postupka javne nabavke

Član 1.

Prihvata se Preporuka Komisije broj: 10-11-2-920/25-7 od 09.04.2025. godine i **poništava se postupak** javne nabavke radova pod nazivom „*Izrada oborinske kanalizacije i sanacija putnog prilaza u ulici Branilaca Konjica*“, iz razloga što nijedna od primljenih ponuda nije prihvatljiva, jer cijena ponude prelazi planirana odnosno osigurana novčana sredstva ugovornog organa za nabavku (član 2. stav (1) tačka l) alineja 2) Zakona o javnim nabavkama.

Član 3.

Ova odluka objaviće se na web - stranici ugovornog organa: www.konjic.ba, u skladu s članom 70. stav (6) Zakona, istovremeno s upućivanjem ponuđačima koji su učestvovali u postupku javne nabavke.

Član 4.

Za izvršenje ove Odluke zadužuje se Služba za zajedničke i stručne poslove.

Član 5.

Ova Odluka stupa na snagu danom donošenja.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 10-11-2-920/25-1 od 11.03.2025. godine.

Javna nabavka je sprovedena putem konkurentskog zahtjeva.

Procijenjena vrijednost javne nabavke bez PDV-a je 49.500,00 KM.

Komisiju za javnu nabavku imenovana je Odlukom broj: 01-11-2-920/25-2 od 12.03.2025. godine.

Obavještenja o nabavci broj: 637-7-3-48-3-34/25 od 12.03.2025. godine, objavljeno na Portalu javnih nabavki, a sažetak obavještenja o nabavci objavljen je u „Službenom glasniku BiH“.

Javno otvaranje ponuda izvršeno je 27.03.2025. godine, u sjedištu ugovornog organa (Maršala Tita br. 62, Konjic), što je i konstatovano Zapisnikom o otvaranju ponuda, br. 10-11-2-920/25-4.

Komisija je blagovremeno i pravilno izvršila otvaranje i ocjenu pristiglih ponuda o čemu je sačinila odgovarajuće zapisnike u kojima je utvrđeno sljedeće:

- da je ukupan broj pristiglih ponuda: jedan (1);
- da je blagovremeno zaprimljena ponuda: „GPI“ d.o.o. Konjic, ul. Trešanica br. 61, 88400 Konjic;
- da je broj neblagovremeno zaprimljenih ponuda; nula (0),
- da je ponuda ponuđača „GPI“ d.o.o. Konjic, ul. Trešanica br. 61, 88400 Konjic, **neprihvatljiva** iz razloga što cijena ponude prelazi planirana, odnosno osigurana sredstva ugovornog organa za nabavku. Naime, ponuđač je dostavio Ponudu broj: II-485.03/25 od 27.03.2025. godine sa iznosom od 49.206,50 KM (bez PDV-a). Prilikom kontrolisanja računske ispravnosti ponude, uočena je računska greška u Ponudi, koju je Ugovorni organ ispravio i uputio Saglasnost za ispravku računske greške u ponudi broj: 10-11-2-920/25-5 od 08.04.2025. godine. Istog dana 08.04.2025. godine navedeni ponuđač dostavio je

Saglasnost za ispravku računске greške broj: II-571.04/25 od 08.04.2025. godine, u kojoj potvrđuje da je saglasan sa ispravkom računске greške od strane Komisije za javnu nabavku.

Naime, kad se ispravi računska greška cijena ponude, bez PDV-a i sa popustom, umjesto 49.206,50 KM iznosi: **50.173,50 KM**, što znači da je cijena ponude ponuđača GPI d.o.o. Konjic, veća od procijenjene vrijednosti nabavke (procijenjena vrijednost nabavke iznosi 49.500,00 KM bez PDV-a).

Zakon o javnim nabavkama u članu 2. stav (1) tačka 1) alineja 2) kaže:

„1) Ponuda je dokument koji podnosi ponuđač, pri čemu nudi isporuku robe, pružanje usluge ili izvođenje radova, pod uslovima koje određuje ugovorni organ u tenderskoj dokumentaciji. Ponuda može biti:

1) prihvatljiva - koju je podnio ponuđač koji nije bio isključen u skladu sa članom 45. ovog zakona i koji ispunjava kriterijume za izbor najpovoljnije ponude, te čija je ponuda u skladu sa tehničkim specifikacijama bez da je nepravilna ili neprihvatljiva;

2) neprihvatljiva - čija cijena prelazi planirana, odnosno obezbijedena novčana sredstva ugovornog organa za nabavku ili ponuda ponuđača koji ne ispunjava kriterijume za kvalifikaciju privrednog subjekta;

3) nepravilna - koja nije u skladu sa tenderskom dokumentacijom ili je primljena van roka za dostavljanje ponuda ili postoje dokazi o tajnom sporazumu ili korupciji ili nije rezultat tržišne konkurencije ili je ugovorni organ utvrdio da je cijena ponude izuzetno niska.“

Primjenom navedenog propisa Komisija za javnu nabavku je ponudu ponuđača „GPI“ d.o.o. Konjic, ul. Trešanica br. 61, 88400 Konjic, ocijenila kao neprihvatljivu.

U skladu sa citiranim zakonskim odredbama Komisija je stava da su ispunjeni zakonski uslovi za poništenje postupka, te je uputila Preporuku o poništenju postupka broj: 01-11-2-920/25-7 od 09.04.2025. godine, rukovodiocu ugovornog organa.

U postupku donošenja ove Odluke, posebno su cijenjene činjenice da je Komisija za nabavku, pravilno i potpuno, izvršila ocjenu kvalifikovanosti ponuđača i pregled i ocjenu ponuda, u skladu sa kriterijima iz Tenderske dokumentacije.

Prilikom ocjene provedenog postupka, uvidom u dokumentaciju, rukovodilac ugovornog organa nije našao razloge nepravilnosti, niti propuste u radu koji bi eventualno bili osnov za neprihvatanje preporuke komisije.

Naime, u postupku je ocijenjeno da je Komisija u svemu pravilno postupila te da je preporuka o poništenju postupka javne nabavke data u skladu sa Zakonom, podzakonskim i internim aktima i tenderskom dokumentacijom.

Iz gore navedenih razloga odlučeno je kao u dispozitivu ove odluke.

POUKA O PRAVNOM LIJEKU

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke.

Pripremio: Elvir Nuhić *Nuho*
Kontrolisao: Nedžad Ramić

Dostaviti:

1. Gradonačelniku,
2. „GPI“ d.o.o. Konjic, ul. Trešanica br. 61, 88400 Konjic,
3. Službi za prostorno uređenje, građenje, zaštitu okoline i komunalne poslove,
4. Službi za ekonomsko-finansijske i pravne poslove,
5. Službi za zajedničke, stručne i inspeksijske poslove,
6. A/a

